

KA GA KHASTOM

Balaodi ba Khastom ka Afrika Borwa Borwa bo raloka karolo e kgolo kudu ya go nolofatša tshepetšo ya dithoto le batho bao ba tsenago goba ba tšwago ka mellwaneng ya Afrika Borwa Ponelopele ya rena ke go fana ka tirelo ya maemo a godimo lefaseng a Khastom yeo e fanago ka kabelo e tiilego, maphelo le tšwelelo mo nageng, seleteng le lefaseng ka bophara.

Mošomo le merero ya pele ya Taolo ya motšhelo mollwaneng ke go:

- Fana ka taolo ya taolelo ya mellwane, tšhireletšo ya setšhaba le tšhireletšo ya intasteri
- Laola magato a pholisi ya kgwebo le dikimi tša intasteri; le
- Koleka letseno

SARS e nyaka go tšwetšapele Mmušo wa Afrika Borwa ka go godiša ekonomi le go tihola mešomo ka nolofatši ya papatšo le go thibela mediro ya kgwebo ya go se dumelelege.

SARS gape e ikemišeditše go kaonafatša kelelo ya tshedimošo ya go nyalelana le kgwebišano, go kaonafatša nako ya phethagatšo le go thuša go laola tlhahlobo gabotse ka nako le go šupetša dikotsi tša obamelo ka nako. Se gabjale se laetšwa ka go fana ka [Lenaneo le legolo la Mpshafatšo ya Khastom](#).

Afrika Borwa ke leloko la [Mokgatlo wa Lefase wa Khastom \(WCO\)](#) ka fao, e diriša Harmonized Commodity Description and Coding System (HS) bakeng sa tlhopho ya dithoto tša kišontle.

[Komiti ya Tshepetšo ya Kgokaganyo ya Taolo ya Mellwane](#) e phegelela kgotlaganyo e kgolo magareng ga diagente tša mmušo mellwaneng, ka go fana ka maikarabelo a go bonagala, mola go laetšwa maikarabelo a taolo ya mellwaneng

Diagente tša go fapana mellwaneng di batamela gannyane ga nnyane go tirišo ya theknolotši, ka go dumelela bakgatha tema ka dikgorong tša boema go fihlelela tshedimošo ya go swana.

Se se tla kaonafatša taolo ya kotsi ya SARS, mafelelong se tla šireletša mellwane, le go kaonafatša nolofatšo ya kgwebišano le obamelo.